

petits momens que ie pouray dérober pour escrire vne de ces dernieres perfonnes arriuées depuis peu le nomme Agnes pulcherie cest vne ieune femme Aagée enuiron de 22 ans qui ayant receu a LAcadie quelques Legeres Instruction de Chriftianisme par nous fauuaiges Chrestiens qui y ont fait quelques voyages est venu icy avec dextremes desirs du St. baptisme, elle scauoit presque toutes les prieres lors quelle arriua il y á enuiron neuf mois, elle fit paroistre dabord vne ferueur extraordinaire ne songeant presque qua prier Dieu, ce qui mobligea de la baptizer trois mois apres quoyque pendant ces trois 1^{ers} mois ie nay pû apercevoir dans elle la moindre faute, et que cette g^{de}. ferueur dont ie viens de parler [fut] iointe a vne modestie Admirable. ie ne voyois point encore les desseins particuliers de Dieu sur elle pour L'Esleuer a la haute saincteté ou elle est vn mois apres son baptisme elle eut des sentimens extraordinaire damour pour I C. de Confiance en luy et de douleur des fautes quelles auoit faites dans son plus bas Aage quoy quelle soit reconnue icy pour auoir mené vne vie tres innocente. auparauant que de me venir desclarer delle mesme ses sentimens ie lauis pendant vn mois demeurer a LEglise vn temps fort notable de la journée, et sans rien dire Iadmirois quels entretiens pouuoit auoir avec I C. vne pauvre sauuaageffe, qui nauoit receu aucune Instruction particuliere apres ce mois elle me vint trouuer, et me parla les mains iointes en ces termes que ie vais simplement vous rapporter Ah mon pere que iay offensé mon maistre Iesus, que Iettois Meschante des mon enfance, iay de La douleur de L'auoir offensé et I'espere fil maide